

南巡盛典

天章

卷十三之卷十五

784
1799
6



7 4
卷



南巡盛典卷十三

天章

丁丑

直隸

詩

恭奉

皇太后南巡啟蹕京師疊辛未舊作韻

有序

疆圉肇歲正條風應律之初太簇開陽協始

和行慶之候爰諏令旦再舉南巡溯前度之

遊歌星周六稔奉

安輿而莅止路指三吳翠羽金支掖

輦長依愛日黃童白叟迎鑾更慶瞻雲問俗觀風顧

閭閻而求瘼敷膏布澤冀井里之蒙庥舊韻

重賡七言述志

澤國省耕紀憶辛山川韶秀信無倫前秋適值逢

災歉昨歲因之罷豫巡

前降旨丙歲南巡以乙亥江浙秋澇停止

橐籥轉旋農慶稔黔黎籲請志重申肆鳴帝里和鑾

駕一慰江干望幸民再奉

安輿出長樂徐遵廣陌會勾陳青郊喜見餘晴雪綠

麥行看發始春淑氣眼前

天與盎詩情馬首日迎新乘時展義非無事敢廢軍

書決裁頻

時準夷酋長巴雅爾等構釁命將擒討西北兩路軍書令其直達行在

駐蹕良鄉行宮作

青旗練吉指姑胥元氣憑看果復諸五載狩巡方

過一三春景物恰臨初明窗溫席清依永昔日今

時靜賞餘到處棲遲有行館兩言慙愧是懷居

月

過弦輪漸圓先節光偏耿燈事且遲遲紙窗照清

迥大野寂人聲虛庭散松影斯景常在斯相值意

為永

良鄉天宮疊舊作韻

首頓庭軒近帝里長途車騎指胥江不遷者問伊
誰是風在寒檐月在窗

欲悉災餘耕織勞南巡詎為事清遊江山秀亦天
然助頗覺遄飛興已豪

邇來頗有南來者都道羣黎望幸情然乎疑信吾
猶半信者吾衷保赤誠

塔影凌空曠野南節前古月正清酣奉

慈兼欲同民樂趙北燈宵即景探

辛未南巡十三日
起程故即在此陳

燈火今歲以十一日起程命於十四日趙
北口侍皇太后賞燈並許民同觀也

引恩寺二首

蘭若康衢側往來路必經松門宛舊識蓮梵亦堪

聽佛豈較今昔物皆肖色形東軒更幽絕片刻為

延停

蓮社傳清派精修奉羸提

羸提華言
律戒也

操戈渾一室

豎拂斥多蹊誰是忘懷者徒成著我今莊嚴斯信
好可以覺凡迷

琉璃河

東風解凍春波決長橋飲練將百丈雁齒枕陸接
石衢中流曾無十尺廣徒勞人力此胡爲勝朝遺
蹟得諮訪叶權璫桑梓乃在茲春秋祭掃常來往
有司畏勢爲修塗葆蓋穩驅平似掌椽人凶燄一
至此朱家宗社將奚仗適來固節度鹽溝架木吾
猶發官帑守闈豈得盡廢斯惕然以懼畢然想

涿州行宮作

練吉巡江國重臨凹字城軒楹無藻飾几席有餘
清興與新春發心依古月明金吾何必禁爆竹喜
聲聲

漢昭烈廟古

春秋氏族著承堯嗣服中山陔派昭鼎一足三成
帝業牛黃腹白應童謠欲信大義心資亮還定全
秦志類蕭千載樓桑尚遺恨其如安樂自逍遙

涿鹿行再疊舊韻

影燈喜爆鬧郡城民風豐歉覘經行行宮晚景正
清絕壁詩歲月標分明西征士騰馬亦飽機緣

天湊時誠好其如審勢乏人為

西師所至仰蒙天佑可刻日廓清而

統兵諸臣各分彼此致失機宜狼子野心殊詭巧降蕃變亂因畏

尤阿睦爾撒納巴雅爾等皆因受恩驕恣反面不

顧恩遇稠聲罪致討重整旅肯使借德殘生留七

擒南人不復反三年克之鬼方收身此南巡心西

海宵衣寧憚軍書修

督亢陂攬古

督亢廣衍舊膏腴計使荆軻獻地圖持短入長奚

濟事害成延禍竟亡軀馬遷作史失辭駁劉向傳

經具政模引水開田言則易推行得當竟誰乎

新城道中雜詠

界河金剛開嶽

匹夫信義猶當重况在堂堂萬乘君一水分疆界

遼宋渝盟何怪致金軍

紫泉河

澄淳曲注皎然清千載如斯天一生何事相傳中

夕變至今留得紫泉名

昇仙橋

南遊錄 卷十三 天章 五
賣藥橋頭不識名平明飛去上瑤京列仙傳大都
如是徵實曾無一個誠

淳化當年此北巡閱強弩射鐵林軍寧知後世浸
微弱五國淒涼泣朔雲

開善寺

藤胎俯仰八金剛聞道形傳道子唐不及趙州文
武水至今功德浴空王

倉卒捐軀寧詎易

張叔夜

從容盡命信為難

文天祥

二

忠俎豆千秋烈古柏森森白日寒

再詠紫泉行宮十景

一區十畝縣城陞密室敞軒各得宜路便重臨風
日好吾心與物共春熙

屏山

門逕縈紆足幽趣一拳亦自得稱屏設如真展瀟
湘畫翻厭施丹與著青

鏡湖

去年波影開奩澹今日水光照座新可識凍融何
礙鏡往來都是鏡中人

舫室

重宇湖心還號舫層層疊石固階基載舟得託常
安穩吾亦因之悟所宜

樓亭

樓崖一笠祇容身滿受春風迴出塵設擬應真留
下物能參背觸又何人

虹橋

朱闌詰屈不嫌長勢作垂虹飲練光天水心情斯
小試遄飛興早到維揚

魚罾

未出輕儵凍尚凝不教綴景設魚罾當春生養資
涵煦育物吾心別有憑

石逕

豎峰曲棧致多佳屨步因之到竹齋却是小牕堪
望遠村居野幕入觀皆

南遊盛典 卷十三
竹埭

琅玕幾个得天然便擬坡仙與懶仙此去雲棲幽
絕處明知萬玉憂晴煙

箭廳

悅心惟是勵無逸觀德端知重有方駐輦恒因試
弧矢承平武備詎宜忘

鴈

春歸將及月鴈到恰乘時旅景行行閱化工物物
知北南曾底異來往亦奚爲三策何嘗讀靈通陽

則隨

趙北口行宮三首

萬柳隄臨淀熏黃未發青渚宮實瀟灑節夕此居
停大吏陳煙火勤民豈政經屬緣奉

慈豫不罷且權聽

西牕猶納遠遊目每教憑春氣怡還裊冰光融間
凝鴈迴欣翼接魚陟乍鱗矜遙浦村民集待看入
夜燈

魚筌還蠲斷生計淀村俱那藉名家畫真披漁樂

南遊盛典 卷十三
圖波將暖鷗鷺洲未長菰蒲正助萌陽候因之罷
水虞

命免天津府所屬積欠詩以示直隸總督方

觀承

去歲秋告登編氓鮮逋賦今春駕南巡免三逮經

路南巡經過直隸州縣今歲應徵正供免十之三津門近海濱下溼多沮

泐積欠非一朝致然豈無故與民樂休息保赤吾
衷素新恩所不及曲體惟要務帑則免其征糧亦
豁其輸閭閻留有餘是豈非藏富叶長官善推行

莫容胥吏蠹

上元前夕趙北口行宮侍

皇太后觀燈火卽席得句

晚來風定紫瀾收預夕承

歡樂事稠座裏同欣上元節渚邊亦有慶霄樓垂虹
百道連冰朗結燄千葩映雪留箭影飛空數無萬
作朋

慈壽祝添籌

趙北口行宮觀燈同扈蹕儒臣聯句

御製 上元行慶奉

慈帷節物承

歡是處宜東海乍看擁寶甌

西崑恰值敞

瑤池野含瑞氣融晴雪樹挹芳煙散晚炊蹕路鴛鸞

皆吐耀臣蔣溥和門草木總涵滋祥凝夜色浮

三島香泛春風達九遠曲渚鴈回聞遠響臣汪

由敦

御製 新漪魚陟動流澌萬民同樂聊云可大吏鋪觀

太爾爲于薦寧忘歌卽景

柏梁且喜讌成詩卿雲馥郁當樓護鸞尾歲

蕤拂鏡窺雙楔霞標湖畔擢臣秦蕙田三橋虹影

坐間垂光收月窟應無敵捷奏天山信有斯

煜煜金牀函舍利臣劉綸

御製 晶晶玉宇界琉璃候臨解凍陳冰戲輪到元宵

碾漢遲一綫紫煙輝萬象

半空碧彩漾全規青猊白象環

仙闕西漆南油燦

御墀妙靄繽紛蹲爵馬臣介迴波宛轉躍蛟螭風

前蛾鬧爭呈幻淵底驪眠獨探奇詎羨廣陵

推法善臣夢麟

御製頓令潛室起馮夷燕南趙北春猶淺越角吳根

景遞披列缺施鞭龍起蟄

伶倫叶管鳳來儀高檠茵苜旋搖日密炬矇

臃曲遶陂海藏迸開珠百琲臣錢維城湘簾紛綴

錦千絲燭銜暘谷炎官繖陣列昆陽赤羽麾

激電疑投玉女箭臣錢汝誠

恩私唐昌萼蕊寧方此宣德神仙詎較茲遍插柳

條沿楚岸臣夢麟

御製待催梅信過江湄律回黍谷方彌月雞踏金蓮

倏萬枝帝里輶軒應蓼擾

皇衢燈火想茈虎松盆戶戶燒蘭會竹榼人人鬪

酒持閣上青黎明綈案臣錢維城陌頭白粥賽田

祠無邊好景迎年麗有脚陽春傍

輦隨虞陛揮絃仰

庸作臣錢汝誠

御製周庭燃燎問何其篆成翠火

鴻禧祝簪集華茵燕喜追好樂無荒昭古訓惟殷保

泰日孜孜

長隄

迤邐長隄度六驂詩中景趣畫中探七橋稊柳黃
金嫩兩淀融冰綠玉涵悅可水鄉經趙北早教春
意遞江南村民夾路尊親共富教難臻用此慙

上元節賜隨營諸臣食

五十吉行早駐鑾節朝賜食扈隨官琅霜粃妝頰
羣座星海魚龍舞七槃元夕所欣逢蹕路一家何
處不長安東風弗妒明蟾滿更待銀花入夜看

上元燈詞八首

燈景行營也自佳姮娥應節巧差排近村遠墅都
呈照白叟黃童與樂皆
和門傍晚輕輿出排當煙花一賞之原是金吾不
禁夜羽林警蹕爾何為

翠火扁成蒼頡字明星塔轉法王輪四時首卜四
時吉一歲燈加一歲新

節事元宵大吏供煙村兼可驗民風予心更有思
維處德秀歌工若與同
聲樂詎宣三百里遊觀惟值上元宵廣陵此去行
行近那藉仙師駕綵橋

太乙輝光利照田舉頭初度玉輪圓含毫爲憶前
巡景瞥眼流光又六年
年年嘉夜宴樓西東鰈瞻光接北鞦今夕畿南景
更好紛來老幼許扶攜
撒荔筵前燦九華祥煙郁作赤城霞鄒枚漫擬賡
行帳中外行來是處家

上元後夕觀燈

翼節月猶美韶春風正柔煙郊餘勝景蹕路暢清
遊繼照燈偏豔騰聲爆更稠錢家餘故事雖好不

須酬御苑燈火例以十三至燕九茲以巡狩
祇令陳節夕前後及燕九餘槩弗用

日日

日日迎鑾瞻就民百年休養此牲牲試看幼挈老
扶者盡是寒衣飢食倫庶矣能無絲粟貴教之何
有俗風淳從來保泰惟難事今日其難倍古人

河間道中雜詠

日華坊

請書獻樂甚彬彬華表千秋景行新
令史諸侯傳曾讀最心許者是斯人

毛精壘

不藉金絲接正傳至今三百有餘篇
張顛尚得太湖號世傳旭為太湖精
况是葩經授後賢

鳴犢河

洋洋瀆水播亭濱地豈名傳傳以人
尼父回車鳴犢殞趙邦漸亦入強秦

彈劍鼓琴高冢與之昔昔此際冬雪
冷白心斷風

列仙傳裏姓名論生長琴高尚有村
旣云赤鯉乘波去安得人間馬鬣存

條侯祠

執堅持重等穰苴細柳徐行為式車
可惜禍根埋取檣溫人所相始終知

廣川臺

三丈崇臺級幾層董祠移自廣川曾
賢良策少即

成誦惟是施行慙未能

瀛州南樓再和沈佺期韻

何年廢重譙曠景澄煙霄修文挾鴻詞賡和何寥
寥而我三繼唱逸興飛清飈言巡江南境復過瀛
西橋瀛西第三橋為往來通衢愛此詩書邦文獻誠非遙覲光
來老幼寧厭騰塵囂如傷周王懷為度夏代謠

輕陰

輕陰旋作晴憑輿多惜情此郡冬雪微白沙隨風
生憶我辛未歲過此飄六霏火蛾鬪冰花節景真

祥亭上元則已度燕九行將迎瑞葉宜及時滕麥

猶未萌英英晚來重企望巡檐楹

紅杏園再疊前韻

練日巡江國乘春發鳳輦昨歲告武成憶曾於斯

館豈知馳捷旌詭計事後顯

去歲以伊犁底定親告孔林起鑿時擒

獲阿睦爾撒納之報適至閱數日乃知叛賊誑言以懈眾志統軍者不審其謬遂馳露布久之屢失機宜迄未擒賊因三軍賴司命一籌何莫展選將

更整旅問罪王師遣

去歲以阿睦爾撒納未就獲故懷觀望如巴雅爾之類者

旋復構亂因更命喀爾喀親王成袞札布為定邊將軍以今春統索倫察哈爾等兵進討諸逆

待奏膚功戡亂靖鄩善

檀廬

瓦茨庸詎稱行移惟有檀廬到處隨卷合放開皆
適可今來昔往祇如斯紙窗日日披新畫芸席行
行就小詩懸壁偶然試臨鏡異前覺有幾莖絲

暖

春入已逾月春氣益融盎向南候遞暄風日復和
朗漸欲換輕裘相將揭行帳叶人鮮互寒怨馬盼
新蕪長或云率是道鄧尉將全放叶笑謂此何慮

寧為觀梅往

過景州

曉春薄寒峭驛路惠風柔輕轆臨修市前驅指德
州村煙暗柳眼塔影矗城頭菽井民風驗燈棚節
物酬羣黎來不約一老溘無留往歲過景州致仕
尚書魏廷珍輒迎

道左頻賜以詩去
春溘逝故及之

故舊淒然睠誰真佻羨儔

劉智社

古社界燕齊舊名存劉智聞昔呂思誠令蓆稱循
吏五馬巡民間曾以行田至均徭勸樹畜彰善與

農器吾黨直在隱李氏感兄弟安得如斯人郡縣
各一置歷久觀厥成無為而自治

農器吾黨直在隱李氏感兄弟安得如斯人郡縣
各一置歷久觀厥成無為而自治

南巡盛典卷十四

天章 丁丑 山東

南詩

賜衍聖公孔昭煥三東風楚楚

蹕路趨迎領一門詩書教澤泗洙源卿來處早予

心往大禮方行不欲煩 去歲親詣闕里釋奠故
今歲不復往按例遣官致

祭云

德州行宮示山東大小吏

未敢深宮自宴居省方展義每厘子按程移帳安

猶便擇向開軒費則虛一宿遷他賞何有萬民得

所樂寧如由來不說惟成事

去歲巡撫愛必達於德州建行宮以備南

巡入東境首程宿頓將訖工乃入奏因成事不說姑仍之然朕所不取也

此後無需慎

戒諸

箒頭寫梅偶題

鐵幹橫斜影珠胎綻兩三東風披拂處花信遞江

南

人章 燕九日奉

皇太后觀燈火十四

燕值邱仙節燈陳鬲氏墟火城張大野綵閣奉

安輿孔雀千屏展金蓮萬朶舒鸞車朝絳闕龍馬負

丹書勝賞真無斃圍觀共樂胥兆民齊祝

壽壽指泰山如

燕九燈詞

青郊燈夕樂同民絞縛煙花德水濱故事可知傳

燕九地行仙本是齊人

煙中翔鳳鳴為管空裏飛魚色作金一曲昇平萬

民慶百年休息此林林

琉璃界道光明土轉法如來號寶燈鶴燄翫膏輝
玉樹宵翹蠕動上金繩
翠匾明毬殊霍靡綾裝珠綴互飄蕭姮娥底事飛
輪早婪尾春榮是此宵

駐蹕德州行宮作

行春南去三千里問俗東來第一程但得清塵儘
表敬豈期作室儼觀成星橋銀樹婪燈燦火棗金
芝應節榮入夜肩輿不呵禁爲田久矣此民情

再依

皇祖德州卽事詩韻

去歲告功至紅旗又報初元戎墮詭計未讀六韜
書

闕里茲弗臨遣

祭辦香肅翠罕指江南早喜東風燠

賜山東巡撫鶴年

粵海旬宣久青齊治

平聲

撫掄嘉伊品犖犖爲我牧

元元坐鎮青油幕扈隨紫氣軒驅馳何足貴善政
勉徐源

麥二首

鳴鞭過禹城
塍麥綠方萌
經雪膏猶潤
迎風浪未生
宣言避騰躡
滿意入吟評
野老修春耒
行將舉趾耕

春入年前早
南來氣復暄
芄煙新染翠
茁壟密含溫
農務從頭起
民依箇裏存
兩岐寧上瑞
普獲乃真恩

徒駭河

神禹治河乃最神
當時猶致人徒駭
三千年後智非禹
問勝此任誰能解
徒駭極北高津南
其間大都九河在
相去乃至二百里
同為逆河方入海
今河不過數里餘
安得修防不日殆
將欲棄地讓之水
億萬生計嗟瓦解
即禹治今河應難
是吾蒿目所以乃

降旨加賑去歲被水五州縣

去歲河北溢乃自無隄處
填築失疎畧遂有奪溜慮
河至孫家集以北無隄黃河漫流所過汕刷成渠者水落後一一填築以禦來歲汎漲上年河臣經理疎畧致黃河北流幾至奪溜亟命大臣堵塞而當河溢時上流諸州縣積潦無可宣洩東省

魚臺等處遂致成災 芟穧亟堵塞乃得歸故路積水則已多

五郡當其劇尾閭苦泥淤當春尚沮洳田正需時耕犁早云誤新正例施惠加賑曾頒諭今來緣南巡民艱悉經度何妨一再加蘇此惇獨庶嗟爾親民官推行體休助

晏城

彰君賜固服桓子執彼鞭猶慕史遷羸馬敝車一時耳晏城千古屬斯賢百里同為政

雪三首

正月二十二日

東風拂幘車稷雪忽交加沿路勢添密依人飛故斜連脰藏綠毯大野捲銀沙既慰還因慮寧無凍麥芽

行營午駐蹕六出尚漫漫坐我氊廬暖思人布帳

單收來煑小鳳望去舞翔鸞功德明當莅

方山靈巖寺最

高處曰功德頂千巖積素看

廣甸含膏潤問知冬雪多得斯誠益善惟是奉中和澤被東南畝花開頃刻科皇州七百里霑否意如何

南史紀載皆然獨此乎
再依
玉水

玉水千秋護玉符豐齊野井各爭隅清流漫歎無

再依

皇祖南巡過濟南韻

清蹕重過歷下城柳絲遲放麥芽生觀民未覺足
衣食敷政深慚措治平繩

武勉思堂構肯祝

釐欣願海山盈靈巖聞道多奇秀佳氣遙看馬首橫

過濟南雜詩疊舊作韻

濟城重過又春辰老幼迎鑾意最親巡狩寧緣適
一已馳驅亦復厘多人

大清河復小清河欲悉民艱緩轡過祇有平陵不
重到恐防憶舊淚洸波

五歲神童亦自賢誰知深恨觸悲絃

濟南貢生張廷望之孫承

清五歲能背誦樂善堂全集戊辰東巡時其祖攜

來迎駕命入行營聖母中宮皆加賞賚而悼

慧皇子喪甫逾月以故孝賢皇后觸那堪疑疑
懷悲痛雖天數使然亦情所不能已云
將成冠鞠脰趨迎蹕路邊是日其祖復攜迎駕問
已十四歲尚未入庠云

春雲又復暗遙天辛未過此亦逢雪六出霏霏策騎前稍可歷城不入望為予埋恨是輕煙

曉發峒山

雲封昨過藏松色

峒山上多松

雪積今看纒巘姿清致

山程逢不易却教迴首立移時

雪後春朝生峭寒輕裘暖幘意遑安為他道左來黎庶粗布衣猶纒絮單

連朝劇暖換棉裝一雪青郊頓作涼凡事如斯難逆料鞠躬誰是昔南陽

春山迤邐度朝晴卓午還逢薄暖生旅况暄寒人自備所欣連壠麥方萌

駐蹕方山

濟北名山駐玉符欣於始遇暢清娛梵宮高下羅諸岫行殿樸淳別一區容膝已安謂多矣奇觀何限詎窮乎潤州此去棲霞攬吉甫均標十道圖

靈巖寺

方山亦有靈巖寺吳下靈巖不獨靈立字安名由箇箇今來古往鎮亭亭砌瓴塔尚干雲轟卓錫泉

南遊錄 卷十四
常注寶淳希有佛曾出現地既云希有現何形

題靈巖寺八景

巢鶴巖

法定開山有鶴瑞羽衣皜皜駐雲峯至今月白風
清夕彷彿東坡夢所逢

甘露亭

泉疏甘露淙淙注亭子因仍甘露名用汲誰工註
爻象馬遷曾是歎王明

卓錫泉

泉臨卓錫一亭幽萬壑千巖景畢收最喜東南縹
緲處澄公常共朗公遊

摩頂松

高松西指爲求經般若真詮泯色形假使虬枝解
更向定知糟粕是青寧

鐵袈裟

片鐵爲衣狀水田滄桑幾閱鎮精堅誰云五葉一
花止試看伽犁萬古傳

白雲洞

靄靄英英相後先穿雲忽上白雲巔春郊方待一
犁雨便可為霖潤大田

雨花巖

峯枝澗葉未芬芳祇有天花撲鼻香底事坐來都
不著維摩室裏即斯牀

愛山樓

縈青繚白相入聲氤氳無色聲天大塊文著箇橫樓
真恰當四時佳氣與平分

靈巖寺西入石路用唐劉長卿韻二首

峯雪全皴栢蹊春未點苔寒鐘雲表落濺瀑澗邊
回遊目無暇接悅心初度來佛原不礙古士亦得
稱開境自苻秦闢松猶元奘栽石泉信清冽便可
試茶杯

旛影標今揭碑痕戴古苔金繩重去聲輪奐貝葉鎮
昭回偶步長卿韻兼思太白來峯形皆內抱谷口
獨西開石路黃緣入春翹次第栽應真渡河代鷗
鳥不驚杯

賜河南巡撫圖爾炳阿

連疆迎蹕路重稽問農田所幸歲非歉還欣雪被
駢安民惟擇吏樂後每憂先中土風猶樸斯宜正
直宣

過泰山再依

皇祖詩韻

方山一宿停清蹕泰岱巖巖見舉頭南指遙程春
曉發東來紫氣馬前浮

聖踪永古並崇嶽

愷澤於今在九州縱是瞠乎嗟莫及

觀揚敢不意深留

靈巖石路盤山脚齊甸春光動陌頭案行遙從西
峪度龍從不礙曉烟浮瓣香寸意馳仙闕輿地千
年鎮兗州憂樂向來何處著思量結習豈應留

望岱廟寄題

泉林取路向西移敬仰

崇祠一念馳作鎮配

天首五嶽

廟中匾日配

皇祖御書天作鎮

居方出震佑嘉師唐

槐漢栢應依舊秋月春風又幾時香帛太常依例

遣車駕經山東境禮官奏遣大臣祈年惟是禱無
賁香帛告祭岱宗修故事也
 私

暖

雪後昨生寒方慮麥芽凍連朝晴變暄暖氣陽烏
 送葶甲正藉潤復陶可勿用舉趾喜農夫于役慰
 僕從協時慎燠寒契理研錯綜

賜山東學政謝溶生

聖賢桑梓地俊秀鑑衡司勝任誠非易不鰥在有
 為遷喬思已早刈楚念人遲士習民風倡勗哉法
 則持

渡汶河

三汶茲為大千秋帶魯郊原山溯源出濟水滙流
 交凍解遲蒲刺波清下鷺孤方春生養候未擬網
 鼠拋

填倉日二首

前章即景後章抒懷

春朝廿五客中過煙火千村入詠歌節以俗傳聊
聽去聲俗義緣多稼豈辭多九州誠使倉箱足萬姓

自然長幼和旋顧迎鑿總總輩盡資衣食計如何

屈指為碁十二過慧賢皇貴妃以乙丑年是日薨逝 可堪回憶是

耶歌悲歡展轉都來幻歲月推遷積以多永巷羣

維式儀則中宮素復喜祥和三年又辭予去孝

賢皇后以戊辰三月崩于德州舟次 難向君平問若何

復雪三首

曉報濃陰冪遠巒雨緣春暖雪緣寒雖然膏澤無

分別恐釀嚴凝意未安

六出昨逢頗益麥千林今訝復裝梅設云入畫斯

誠善而我寧因看畫來

霏霏著地旋消融積處都無一寸蒙歷覽吾心方

稍慰午餘還放日輪紅

過泗水

輿梁飲練流清泗知是靈源負尾來阿那松陰石

上好旋當文火試茶杯

至泉林二首疊舊作韻

無多室宇淳而朴咫尺泉林秀且明芳勒杏花春

未放素皴杞樹雪初晴窗櫺好景隨心會壁額前

題向客迎民氣安和歲中上省方緣此一怡情
稷辰昨歲雨餘至春孟今朝雪裡來宮是

仁皇曾駐憩輦扶

聖母喜趨陪西瞻

曲阜增顛爾南指江鄉已近哉不異前茲惟問夜
軍書籌畫為惶徊去歲駐此已覺紅旗馳報俘虜
為偽督令策楞等進兵終以路
遠遷延坐失事幾而逆醜未獲懷首鼠
者旋復猖獗故今歲更籌進兵致討耳

再題泉林行宮八景

近聖居

高齋樸斲適居安暎帶清流多激湍拈筆還思去
藻句新題近聖額簷端

在川處

石罅淙淙清且漣如斯不舍向長川名依夫子垂
終古理註魯論在目前

鏡瀾榭

石髮經冬碧轉深每來曲榭必憑臨開奩設以菱
花擬定是秦臺照膽金

橫雲館

曲抱迴廊鏡樣圓三間虛榭聳中天有時一片雲
生彩恰似廣寒霄漢懸

九曲約

溶溶春水漾蘭苕碧柱朱欄窳柳條合是武夷最
深處便當屨步躡虹橋

柳煙坡

新稊欲放曉寒輕低泮朝煙一縷橫今歲春來節
令早已憐舉眼盼清明

古蔭堂

古樹曾經蔭古人今人對樹樹如新由來樹不知
今古知者誠爲未出塵

紅雨亭

一亭文杏四鄰圍寒勒花枝未染緋却憶去年臨
上巳垂簾紅織雨霏霏

過蒙山

辛未巡江國路徑東蒙東茲因駐泉林取道魯附
庸乃在蒙羽陽顛史考古封迴首望雲巖

府志蒙山頂有

白雲巖摧萎扶鬱蔥昇仙傳賀元躬稼憶承宮是時

春雪霽半積半已融其陰積必多前况想像中山
靈許藉問何以巧遇同

蒙山積雪再依

皇祖詩韻二首

城過顛臾憶古封南巡為省織將農蒙陰雪復賡

前韻

大塊文章占素峯

平田融未麥根封為問農言不害農却續前遭景
如舊幾層積玉在堯峯

望蒙山雪色再成疊舊作韻

積雪蒙山又昔同行軒妙趣靜憑中蘇家詩愛尖
吟軾王氏畫看皴是蒙路指東南迎暖日首迴西
北峭寒風遐心憶到伊犁塞佇待王師早建功

賜江西巡撫胡寶琮

疆連趨遠迓陛見忘纒迴

胡寶琮上年來京陛見
十二月方回任適奏摺

云來迎駕則已起
身矣故不復止之何必拘當覲殊為多此來鄉原

擅魚米令莫恃風雷休養藏民富勤宣善輔裁

度祊河

鄭宛歸魯泰山祊因以名河出大筐清浚合流波
益浩萬松山名如在水中央

鄴城覽古

季友初頒邑南遺乃築城庶幾僕文出不改井桓

成城中有桓子井無度卑宮室有權擅上卿名言

思史墨宜慎器和名

萬松山小憩

衆山多濯濯一嶠獨蒼蒼想有靈祇護如看圖畫

張清齋梵宮側古籟午陰涼小憩登程去拈毫興

已償

賜河東總河張師載

疏淪期嘉績修防董衆寮詎予惟使過勵汝尚更

調張師載前任江南副總河以狗庇悞公與高斌同獲罪既念其人素謹朴復加錄用茲命代白

鍾山為河東總河俾得改弦自効法在遵潘馴文寧藉鮑昭魚臺

全涸未舉趾待春朝

王右軍故里

渡江王氏挈宗隨遺得書臺與筆池佳話千秋率

如此荒榛難辨跡然疑

孝子里

故里相隣孝感河猶傳躍鯉出凌波一斑已自足
千古更佩虔刀意若何

度沂水

歸壑輸淮泗遙源帶魯齊跨川橋影直隔岸柳烟
低沙渚纔浮漲春流尚挾澌馬陵隔清沐古諺豈
無稽諺云沂沐不相見

正月晦日作

今年正月又臨晦九十春光已度三未覺芳菲鋪

路首却欣風物報江南憶梅水部真稱絕沂州境內有何

遜憶梅亭選句考功早獨堪用唐景龍評詩事斥鹵民艱應細

諗百家村畔每停驂

Blank columns on the right page, containing faint bleed-through text from the reverse side.

南巡盛典卷十五

天章 丁丑 江南

詩

二月朔日入江南境六韻

仲月日臨吉江南路入徐觀民因露冕策馬每辭
輿欣看尊親意還頒寬大書游災常厪爾加賑莫
稱予尚恐向隅者未沾霈澤餘咨良二千石文視
可銘諸

再依

皇祖示江南大小諸吏韻

國本重惟民反裘譬負極有來長民官聽予一言
剖嗟此澤國區災沴流行久蠲賑惠縱施未覺蘇
黔首溝壑有向隅奚稱民父母邇來雖轉旋餘糧
寧棲畝省方為觀民已隔六載後與我共治者豈
非賢太守須知足衣食始可言孝友設教法

放勲色養奉

慈壽五言示予志勗哉慎母負

霧八韻

靄靄布層霄濛濛羃遠椒寧徒稱十里却是遇連
朝江浙景云近瀟湘畫若描綿鋪宿麥縷珠綴嫩
楊條藏處迷山寺度來封野橋衣如裝弱毳帽訝
惜豐貂乍可因風散旋看見現消貪程行忽到還
喜不知遙

賜江南總督尹繼善

幕府山邊開幕府風規得似茂弘無保釐務佈兆
民福清蹕寧求一已娛靜柝久曾歷數省建牙今
復鎮全吳吏民相習休云易勗爾思艱莫漫圖

賜原任大學士史貽直

歸林緣舐犢辭閣匪思鱸能改無過矣知仁何礙
乎迎鑾方出戶資政挈同途風度猶然在江山秀
助腴

麥苗

露浮全帶潤隴覆欲生香可識南邦暖較於魯甸
長徒觀浪猶靜尚覺雉難藏邳宿經災後冀茲接
夏糧

度永濟橋作歌

長橋接岸亘邈迤留孔多緣瀉潦水上承駱馬下
六塘節宣見爲濟運起有司除道欲就夷逕度河
灘橋仰視漲痕幾欲與橋平是今所行乃河裏溝
澮可盈河詎可知艱慚無治法爾石砥中復多斷
缺問因去年浪所毀何不亟修云有待迴鑾次第
方經理往來通衢賴此存夏霖轉瞬其何恃發帑
鳩工勿再延永言顛末識所以

復降旨加賑江南被災州縣詩以示總督尹

繼善及地方大小諸吏

新正寬大詔蠲欠江浙暨翠華昨發軔加賑已次第茲入江南境宿桃目所擊叶百家鮮積糧麥苗

猶在地夏收云尚遙是宜善安置吾民藍縷多嗟此饑寒輩游災乃若斯應慚誰所致養老及賙貧

雖日頒緹騎命親隨侍衛等齎養老牌以賜高年其貧窘者則給以白金尚念

溝壑惇匍匐或艱至已加寧再加茹簷庶均逮以及安慶屬一例俾霑賜既毋事催科其善勤撫字

漏卮何處無莫使侵胥吏同利並裕掠吏蠶吏所

避濇因為隄上行不妨百里畧紆程辛未取直修路至直隸廠

而雨後多泥濇從人苦之今歲乃從運隄雖多行及百里而舊隄無事多修且避濇云僕人

莫謂仍前近豫立應知幸遇晴曷黃外餘

槌焚隄上積崇墉意外云當備急工帑項歲支應用此未經見處可能同

夾束雙隄中運河秋霖隄外尚渟波黃流咫尺臨西岸蹙額修防竟若何

有隄未若無隄好既有安能復使無大禹為臣君是舜想當束手况云吾

草色

草色南來日見添綠含生意入輿幘平平鋪毯烟
低縷濼濼擎珠露在尖隄外每教遲白舫陌頭還
看映青帘當春細物均知樂嗟我災民未引恬

運河

公猶經古縣窰口溯新灣隄上看流注雲邊辨往
還舳艫期用涉名利孰長閒憂隱黃淤後淪疏策

正艱

黃河挾沙以行流急則藉以刷沙上年孫家
集漫溢幾致奪溜而毛城舖旁洩者不早為

築塞經流既緩沙積河淤為憂甚大特
命督撫河臣亟議節宣之策會同經理

命總河白鍾山巡撫高晉同往會商疏濬荆

山橋堵塞毛城舖等工詩以示志

去秋河為災乃在孫家集漫渠未填築遂致洪波
吸亟命事修防亦得成功立其如已洩波往往淤
泥積荆山橋下川較昔高數尺微山乃倒漾沛魚
今在澤黍恐不能種而况冀收麥疏瀹莫惜費此
實目所急同時毛城舖分流減來脈治標出無奈
隄成應卽塞而何值邂逅河臣數經易因循置度
外廬鳳復遭厄二患均要務展轉增反側瀉者塞

其流渟者疏其偏往哉相和衷宣防勉奏績詎可
惜一勞未敢期永逸但望夏田耕稍救民殘息斯
則宣力多豈在日扈蹕

柳三首

青青搖曳大隄邊遠帶輕帆近冑煙春色南來排
日報幾絲恰拂玉絲鞭
河官種柳有常程材備修防意本精却與長隄添
畫趣新條覆畝綠縱橫
搖金靄靄宰新蕪不繫風情冶且都比似皇州先

一月北南景氣驗差殊

源遠復流長因清資刷黃
睿謨千載頌

聖澤萬年慶

康熙年間移運口於楊莊是為中河
聖祖親臨指示所開為萬世利賴云

永利風帆旅常輸天庾糧平成期善守未敢事更
張

楊莊牓恭依

皇祖詩韻

南巡盛典 卷十五 天章 六
江國重巡六載餘翠華迤邐度彭徐河工此地多
衝要隄堰修防慎莫疎
巡春晴旭颺鞭絲敬仰

奎章漏點移底績繩

猷任胥重其難惟有寸心知

渡黃河

地天中氣象明昭翠艚中流盪畫橈竹箭桃花觀
浩勢風恬浪靜渡春朝盱宵未得平成術遊豫常
懷角徵招敬守

鴻模慎多事六巡疏淪仰平丸餘孫子宵刊籌

神堯

惠濟寺

瑞氣扶輿鳳閣峩金隄千載鎮洪河黃流清滙安

瀾慶楚舫吳艘利涉歌百越鄉寧拘地遠

六宗功著濟人多

相傳天妃為閩越人也

綵舟穩渡

慈顏豫

神貺欣叨默護呵

閱河恭依

皇祖詩韻

繼

武惟殷日屏營

治河無事禹同行修防慎選期俾父不用材能用老

成

賜總河白鍾山

司河稱最久自是悉防修慎莫幸無事勉惟建遠

謀况經益新淤

上年河決孫家集致荆山橋淤淺上游積水入春未涸恐妨耕作亟

命疏

此實厪深憂勗爾平成績紓予宵旰籌

賜副總河嵇璜

淮黃近多事簡畀冀堪勝習矣吾知夙僉惟汝尚

能母儀迎養便父訓熟聞會

嵇璜昔隨父大學士會筠南河任習知河

務近來以母老請假侍奉淮常一水迎養亦便

佇俟成功奏憂心日所憑

恭依

皇祖閱河隄詩韻

重稽力溝洫還淳卑室宮幾會圖

已逸惟是厪民窮繼述一心切

精神百禩通卽今存

御壩清晏永歌功

洪澤湖恭依

皇祖詩韻

事在人為語豈虛崇隄修築敢遲徐

事在癸酉年重來

細閱工堅否詎為春波看打魚

安福艫

黃流穩渡靜陽侯初駐江南綵畫舟為問民艱將
吏治歷經越角與吳勾波聲鷓首調銀瑟月影蓬
牕漾玉鈞最喜夜深饒野趣檣燈幾點映前洲

清江浦

清江流是導淮清禹蹟而今久變更檠戟建牙期

底績總河衙門建此衡閭比櫛願咸亨漕艘北上斯千庾

水驛南來第一程路轉川迴宜望遠樹頭瞥見片

帆輕

過淮安城

石隄駐舸策龍驤紆路觀風六里強入北門還出
西郭漢淮陰是晉山陽羣情愛戴今猶切前歲饑
寒刻豈忘無易由言元氣復轉旋額手為民慶

閱淮安石隄詩以紀事

射陽古澤國諸水滙入海自從黃奪淮其危乃更
倍南北咽喉扼城郭不可改初猶患黃灌閭閻無
寧載

皇祖排澗之六巡勞權橈乃得清暢流何必安東委

前明議河者患黃強淮弱竟有欲
委安東以拯全淮者其說實謬 治河謝未能繩

武厘實每辛未載經斯安又仰

遺楷惟是隄埒城土自較石殆發帑命更築今來工

早罷田廬資保固蒼赤庶樂愷永言識其詳癸酉

事心駭

淮城西北舊皆土隄辛未南巡過淮命建
石工癸酉河淮並漲淮城頗得石隄之利

夜雨二首

二月初七日

朝霧旋成風風罷夜為雨氣候北南殊重來畧知
緒船牕聲點滴衾枕寒爾許河北昨曾經麥田澤
方竚此雨設遍霑可以慰農父

二月雨霏絲到處應益農南易北艱致風氣屬不
同易者虞其過艱者難其逢浙瀝聽深夜嘹唳度
數鴻因更憶燕齊春膏賴化工

曉發平橋三首

夜雨連纖聽打船曉來猶未泮絲煙今朝百里程
應趁解纜催行下水川
十里剛過亦放晴觀光黎庶夾河迎曾何解澤蘇
閭閻慙愧同聲感戴誠

白馬湖連寶應湖際天一碧望邊無春猶如此况
逢夏蒿目終艱善治模

策馬過寶應縣

閭閻坐露冕猶覺隔河遙傍岸泊蘭楫觀民揚玉
鑣人煙依舊庶災疫以時消

去歲江南經災後疫氣復盛行至秋方解

籲禱吾雖久還因

天眷邀

雜言

浪流向南風吹指北舟設南行於浪為順於風為
逆風吹指北浪流向南舟設北行逆浪施槳順風
揚帆風浪一合不須更酌順逆行舟苦者太苦樂
者太樂風水無心人則有營無已行舟樂則怡怡
苦則怵怵以葉擲空隨風北往及其墮水乘浪南
漾事鮮兩全遇忌太美誰能達斯可與言理

卽事

南關五里及車邏建牓原虞異漲多不免下河猶
被潦修防調劑竟如何

去年數壩未過水澤國因之幸告豐黃弱全淮出

清口却教嫁禍宿靈虹

偶寫梅英并題以句

船牕恰見一枝梅斷岸橫斜幾朶開便拂宣箋爲
寫照香風鄧尉遠吹來

文遊臺

周覽城闈每繫舟緩催珠勒度秦郵郊東尚有高

臺見宋代聞因雅會留何必當時嗟祿薄却教終

古羨文遊龍眠結構應多事試問今還藉畫不南

露筋祠

蚋嘍何能致命戕撲緣露處上亦何妨訛傳自是

因彰善實錄芳踪惜失唐揚州府誌稱唐時露筋

已俗乃訛爲蚊蚋所嚙
露筋而殞蓋屬附會云

車邏壩

邗溝納衆水分流入江海唐宋始起隄興廢亦時

改自此事益紛鮮安率多殆黃奪淮之後其危斯

更倍堰牖日以高田廬釜底在疏浚豈易言尾大

屢中罷或有慮下河堅閉志弗悔下河曾小益逢

年歌樂愷河臣高斌增築天然壩障洪河東流運

連歲豐稔後遇湖河盛漲狂癸酉秋為霖持前議

不懈叶豈知偶幸耳決癰乃大潰叶蠲賑縱亟救

接踵災乙亥嗟我憫獨民蕩析心驚駭旋為停南

巡蘇民飭邑宰今來問民瘼春流靜浼浼耕作羣

趁時遙遙三秋待奠川無良謀吾慙所以乃

何邵伯湖

東艾陵西白南城北社四湖通謝傅遺休擬召公我

適乘舟經澤國修防宣蓄慮何窮

疊舊作韻賜沈德潛

前席何曾隔六春辛未至今凡六年矣三千里不間疎親星

垣帝友豈無友吳下詩人尚有人吝度瘼情期達

隱評量句義欲肱陳步趨望九雖稱健靈壽聽教

手握筠

香阜寺

南遊盛典 卷十五 天章 三

鎮過東山蔽芾棠畫艦卓午泊維揚裝嚴靈鷲標

臺麓又名小五臺起伏來龍分蜀岡古佛參來雖似悟

萬民視處祇如傷新河十里羣商浚敬上調貧聽

豈妨從香阜寺易輕舟由新河直抵天寧寺行宮乃羣商新開既表敬公之心且去歲藉此以

工代賑頗益貧民故聽之

天寧寺

天寧門外天寧寺最古花宮冠廣陵指月禪枝閱

百代疲經阿閣聳三層親民乍為去聲思蘇軾傳法

何須問慧能我自多憂非獨樂豈能香界鎮吟憑

天寧寺行宮作

行館招提右韶春駐翠華所欣無藻績頗足賞清

嘉絲柳纔舒葉玉梅已放花謝家風雅近率欲罷

吟義

雨中遊平山堂

麥穎新抽正資澤梅英乍濯雅宜遊可教古寺徒

吟謝遂使平山不問歐隄柳垂垂度煙重篷筠淥

淥入寒浮微嫌絲管饒繁會咫尺林泉負真搜

寄題二十四橋

南遊錄 卷一五
如帶如虹廿四臚千秋名勝擅江都或存或廢今
兮古移汝移揚歐與蘇畫意詩情景無盡春風秋
月趣常殊每因想像聊成句歷覽何曾蹕爲紆

蓮性寺

一朵花宮結淨因周環綠水漾波新歌臺畫舫何
妨鬧恰是亭亭不受塵

觀音山葉玉琳曰效其博宏風韻以率於巖
右拱平山嶠遐臨廿四橋古原詠文士今半屬禪
寮法雨鏡中落天花雲外飄憑牕尤暢意綠野潤

新苗

平山堂

西寺西頭松竹深歐陽舊蹟試遊尋江南山色秀
無盡二月韶光美不禁四字簷端垂

聖藻

康熙四十四年
賜賢守清風額

千秋座右揭官箴春巡處處

前微仰到此尤厘顛俊心

第五泉

有列蜀岡上春來玉乳新可識品泉者非關姓陸

人張又新品
此爲第五

慧因寺

竺蘭結宇綠川濱
棹反平山一問津
禪衲已知因是慧
試言慧復是何因

塔灣行宮恭依

皇祖詩韻

廣陵風物久繁華
下下翻堪樹五麻
可識古今不同俗
由來中外莫非家
沿隄弱柳搖金縷
映砌芳梅綴玉花
樸斲總存

昔年制

奎章曾是戒紛奢
轡畫監泉數十里
翁宮策觀對
高旻寺

河干啟梵域塔影矗高旻
兩字騰鴻號千秋煥

寶文

寺名康熙四十二年所賜

莊嚴開像設清淨悅聲聞頂禮祝

慈壽都梁颺瑞芬

自高旻寺行宮再遊平山堂
卽景雜詠六首

前朝煙棹寧耽玩
供帳因他率已陳
自是晴明山色好
重教遊騎策高旻

富庶從來說廣陵
滿城絲管映街燈
唐風擬今崇

淳約謀食貧人慮失憑商人習為侈靡其技巧役之貧民藉以餬口者甚衆

亦損有餘補不足之道若令如唐魏儉嗇則土著益艱於謀食故不之禁

春風行館憩天寧早見平山黛色青便進湖船漾

新碧且看夾岸畫為屏

一株綠柳一紅欄絲絳沿隄引木蘭小令還輸蘇

氏軾蘇軾有三過平山堂下小詞東山未擬謝家安

潤含新麥綠塍寬恰是淮南第一觀試想風流賢

太守詎因歌舞助清歡

蜀岡遊罷催歸轡畫鷁原遲十里餘是日自高旻行宮策馬度

郡城至天寧行宮易湖船歸亦仍之以馬便於船且百姓得以近光也船馬北南殊

所習始知古語信非虛望鳳

塔灣行宮恭依衣無風氣對臺四面雲峯

皇祖示江南吏韻

豫遊傳夏諺巡狩載虞經政典關休助

化工贊毒亭韶春方駘蕩品物早流形宣澤惟良吏

母孤清蹕停

聞京師二月初七日得雨誌喜

船牕夜雨霏亦二月初七日澤國春應爾曉晴旋作風其

霑寸餘矣燕齊千里外及否寸心揣更思北方寒
雨亦雪而已維揚乃大沛切幸或逢此逾六日郵
傳知彼甘膏美四寸潤麥田優渥反勝是麥固冀
登俎黍亦堪興耜何處不劭農敬爲吾民喜

自瓜洲放舟至金山

觀民展義狩南邦瓜步平明掛錦籬柳綠桃紅春
兩岸風和浪細昔長江辛未渡此亦無風浪樓臺四面雲峯
轟簫鼓中流水調縱西望鳳舟

王母降問

安歡喜詣瑤牕

皇祖詩韻

養志延禧遵

從來佳境屬禪和佛印其人亦豈多

昔躅江山介壽慶如何

登金山塔頂疊舊作韻

定光塔據翠峯尖登眺崇情暢六兼百尺凌雲賢
劫固千年入影浩波恬東西源委因心會南北風

光舉目添石火春秋纔瞥眼今來饒是韻重拈

金山疊舊作韻

瓜步隄楊已宰青放舟江勢攬全形好春如繪迎
春馭福地無雙擅地靈蘿壁峭中尋昔句松軒勝
處得今停雖然歷歷成今昔不可分疏理亦冥
江流山峙千秋境柳暗花明二月天黃茗就泉思
陸氏摘辭卽景許髯仙豈能適已真無暇每爲康
民願有年一帶吳根將越角惠鮮勤體蹕途連

江月

煙花玉魄將滿輪邂逅江閣清無塵光射海門接
近觀氣連岷山溯遠津初騰金蛇漾曲渚乍懸寶
鏡涵輕淪如見古桂斫吳斧復疑明珠呈鮫巾離
奇變幻莫可狀溶溶淄淄都入神此時此景恰逢
我裴公先我千餘春

遊金山寺再疊蘇軾韻

冊府常披輿地圖西極江源東竟海中流銀髮能
許長氏父乃如黍米在獲金名易裴頭陀祇園高
下臨澄波自茲勝蹟擅吳下騷人禪客遊恒多南

國重來命巡楫風恬浪靜韶春日佳境畢景不能

窮琳宮梵宇層樓赤石排萬劫埋仙魄

金山前島世傳郭璞

墓髯翁吟際髯應黑今來古往熾然明不遷者存

底用驚福地只宜泯六識山色江聲定何物印公

留帶可鎮山當時公案足警頑蘇公不言言未已

試看袞袞東流水

自金山放船至焦山再疊蘇軾韻呈勉中

江赴海意虎視耽自來天塹限北南湔氏遙源達

溟渤至此餘十之二三方壺員嶠誰則到徒稱火

棗將冰蠶咫尺仙山一帆力不遊可懷日後慙石

排峭拔潮影退俯欄可以窺深潭便命黃頭髮青

雀江天春物方清酣忽懷玉局曾遊目中江長老

談鄉談

見東坡詩

豪吟靜悟兩寥寂祇饒松竹籠虛龕

山蔬可以為清供豈必燒豬方覺甘紙帳困眠明

便去金山留帶還嫌貪片時攬勝兼望古幽情暢

矣歸云堪剪波頃刻濟北固巖端更問蕭公菴

三詔洞

三詔抗懷却千秋潛德光董經曾不顧滕六詎能

南遊盛典 卷一五
天章
三
硤隱也真仙耳山高江水長至今洞口石尚是黃
餘糧

遊焦山

我昔金焦互量比曾云在此不在彼昨來浮玉凭
朱欄又覺人間鮮並美東瞻島嶼藐拳石蓬萊有
無只虛擬順流揚帆忽至之宛憶前評不差耳如
來轉境故稱佛被境轉者衆生是慧禪寺禮調御
夫焦先祠緬隱逸士鬱蔥樹色扶奇峯倒影盡在
江天裏豚入息風銀月澄龍出聽講黑雲起到斯
雅合諸慮靜我則萬幾將誰委江山不改心亦然
返棹吾將勤政理

甘露寺

江干跋玉馬雲表謁祇園不見蕭公鑊聊參能祖
旛四雄蹟已泯見蘇東坡詩六代地猶存獨愛司勳句
因之憇北軒

甘露寺北軒用杜牧韻

精藍禮罷試閑行北首疏軒最暢情座俯長江拖
玉練牕舍清籟颯桃笙地傳晉代還梁代鐘是唐

南遊盛典 卷之五 三十一
聲抑宋聲故蹟千秋率如此司勳饒得占詩多

過鎮江府城

焦山穩渡紫霞舟十里鳴鞭過潤州秀麗江山窮
睇眄喧闐老幼塵咨諏萬民爾滿瞻依願一意子
勤富教謀前歲災荒昨歲熟既爲慶慰亦爲愁

練湖

曲阿後湖古所聞波光如練漪漣漣中郎品鑒得
神韻光祿摘藻多清芬七十二流皆滙此築隄之
後事紛矣濟運利田胥賴之開礎修置寧聽毀停

艫試望有所思豈容易言制復始叔尊羹於未下

花朝放歌

北地花朝花未開吟詩惟以寄清懷南國花朝花
已放漾舟觸目饒新賞未開眄開趣有餘已放惜
放翻躊躇世間萬事率如斯旁觀生羨當局迷柔
紅嫩紫爾莫喜已有紛紛付流水

潤州道中雜詠

鑄劍坑

擊橐當年鑄劍坑純鈎造出值傾城越顛吳蹟有

南遊盛典 卷十五 天章 三
何在石屋空傳歐冶名

京峴山

鑿京峴命赭衣徒名象雖存蹟久蕪未及臨洮東
屬海長城築罷竟亡胡

讀書臺

避跡江湖權遠禍讀書千載有臺垂虎賁曾動中
郎慕親切寧知未若斯

汴千里湖

洛下猶思千里吳士衡風度與人殊尊羹從未下

鹽鼓王濟何須稱酪奴

長房學道書符處滌硯靈貽石墨池蹟擬右軍偏

覺勝至今池水驗猶奇

華陽館

雙牛畫罷去飄然不鍊還丹亦上仙試看橋東銀
杏在綠陰豈復異當年

紫府館

福地稱居四十九青童馬蹟至今垂洞庭已

長返知達華陽又阿誰

招隱寺

義季曾聞舍戴顓竹林精舍久成空磨笄咫尺隣
黃鵠巾幘何妨有父風

登城霞閣二首

董其昌題俗名三義閣

攬轡丹陽縣觀風度巷衢每因咨米價惟是厘民

劬閣綺重登級城霞向入圖

過縣城乃登閣小憩

遺風仰三

義勝概攬全吳後樂先憂意同聲眾口呼轉旋賴

洪造元氣幸差蘇

層薨控川口來往實通衢尸祝今猶盛三分昔已

劬牛黃叶佳讖龍臥贊良圖北伐應先魏東連暫

緩吳何當禪弗肯若可董聞呼蔚起赤城色題簷

筆是蘇

清明

清明最喜是晴明韶秀毘陵緩轡行紅杏都含宿

雨潤綠楊不動曉風輕紙鳶竹馬兒童戲鳩杖鶯

衣父老迎水市吹簫那成曲人家遙識賣新餈

太父米敗木市刈釐張氣曲入寒孟漸資滌

陶隱翁對不使郵風舞雅意竹品泉童勉賦好

常即效喜曼韻即請表異刻勢營行孫查諸合

華星蕪

吳是阿富

西半黃

似莫

似莫

